



An Coimisiún  
Eorpach

# Ré nua cosanta sonraí san Aontas Eorpach

## Céard a athróidh tar éis an 25 Bealtaine 2018?

Bealtaine 2018

Léiríonn an méid a nochtáidh faoi Facebook/Cambridge Analytica go ndearna an tAontas Eorpach an cinneadh ceart nuair a mhol sé athchóiriú uailmhianach a dhéanamh ar chosaint sonraí agus nuair a thug sé isteach an Rialachán Ghinearálta maidir le Cosaint Sonraí (RGCS).

Tiocfaidh rialacha an Rialacháin Ghinearálta maidir le Cosaint Sonraí i bhfeidhm an 25 Bealtaine 2018. Fágfaidh sé go gcuirfear feabhas ar an gcaoi a ndéileálfar leis na sáruithe ar chosaint sonraí sna blianta amach romhainn:

### FRIOTAL SOILÉIR




#### INNIU

Is minic a thugann gnólachtaí míniú fada casta ar a mbeartais phríobháideachais

#### AMÁRACH

Beidh gá beartais phríobháideachais a scríobh **go soiléir sothuigte**

### TOILIÚ AN ÚSÁIDEORA



#### INNIU

Glacann gnólachtaí leis, uaireanta, go gciallaíonn tost an úsáideora go dtoilíonn sé le próiseáil na sonraí, nó cuirtear an t-iaratas ar thoiliú an úsáideora i bhfolach i dtéarmaí agus i gcoinníollacha fada dleathaíocha — nach léitear

#### AMÁRACH


Beidh ar an úsáideoir **toiliú dearfach** a thabhairt sula bhféadfaidh gnólacht úsáid a bhaint as sonraí an úsáideora. Ní hionann tost agus toiliú



## TUILLEADH TRÉDHEARCACHTA

INNIU	AMÁRACH
<p>Tarlaíonn sé nach gcuirtear an t-úsáideoir ar an eolas i gcónaí nuair a aistrítear a chuid sonraí amach as an Aontas Eorpach</p>	<p>Beidh ar ghnólachtaí an t-úsáideoir <b>a chur ar an eolas go soiléir faoi aistriú</b> den chineál sin</p>
<p>Uaireanta bailíonn agus próiseálann gnólachtaí sonraí pearsanta ar chúiseanna atá difriúil leis an gcúis a fógraíodh i dtosach agus nach gcuirtear an t-úsáideoir ar an eolas faoi sin</p>	<p>Ní bheidh gnólachtaí in ann sonraí a bhailiú agus a phróiseáil mura bhfuil <b>críoch shoiléir</b> leis sin. Beidh orthu an t-úsáideoir a chur ar an eolas faoi aon chúiseanna nua a bheidh ann leis an bpróiseáil</p>
<p>Úsáideann gnólachtaí algartaim chun cinntí a dhéanamh faoin úsáideoir bunaithe ar a shonraí pearsanta (e.g. agus iarratas á dhéanamh ar iasacht); is minic nach mbíonn an t-úsáideoir ar an eolas faoi sin</p>	<p>Beidh ar ghnólachtaí an t-úsáideoir <b>a chur ar an eolas faoin gcinneadh uathobrithe</b> atá ann agus deis a thabhairt dó cur ina choinne</p>





## CEARTA NÍOS DAINGNE

INNIU	AMÁRACH
Is minic nach gcuireann gnólachtaí úsáideoirí ar an eolas nuair a tharlaíonn sárú ar shonraí, mar shampla nuair a ghoidtear sonraí	Beidh ar ghnólachtaí úsáideoirí <b>a chur ar an eolas</b> gan mhoill faoi shárú ar shonraí a d'fhéadfadh dochar a dhéanamh don úsáideoir
Is minic nach féidir le húsáideoir a chuid sonraí a thógáil as gnólacht agus iad a aistriú chuig seirbhís eile atá in iomaíocht leis an ngnólacht sin	Beidh an t-úsáideoir in ann <b>a sonraí a aistriú</b> , mar shampla, chuig ardán eile de chuid na meán sóisialta
Is féidir go mbíonn sé deacair ar an úsáideoir cóip a fháil de na sonraí a choinníonn gnólachtaí ina thaobh	Beidh sé de cheart ag an úsáideoir <b>rochtain a fháil</b> ar shonraí atá á gcoinneáil ag gnólacht ina thaobh, agus cóip díobh a fháil
Is féidir go mbíonn sé deacair ar úsáideoir a sonraí a fháil scríosta	Beidh ceart soiléir ag an úsáideoir <b>go ndéanfaí é a ligean i ndearmad</b> (an ceart go ndéanfaí sonraí a scriosadh) agus beidh cosaintí soiléire ag dul leis an gceart sin



## CUR I bhFEIDHM NÍOS DAINGNE

INNIU	AMÁRACH
Tá teorainn leis na hacmhainní agus na cumhachtaí atá ag na húdaráis um chosaint sonraí oibriú i gcomhar le chéile	Beidh sé de chumhacht ag an <b>mBord Eorpach um Chosaint Sonraí</b> , ar a mbeidh na 28 n-údarás um chosaint sonraí, <b>treoracha</b> agus <b>léirmhíniú</b> a thabhairt agus <b>cinntí ceangailteacha</b> a ghlacadh i gcás ina bhfuil níos mó ná tír amháin san Aontas i gceist san aon chás amháin
Níl aon fhíneálacha, nó is beag fíneáil, is féidir leo a ghearradh i gcás ina sáraíonn gnólacht na rialacha	Beidh cumhachtaí comhchuibhithe ag na 28 n-údarás um chosaint sonraí agus beidh siad in ann <b>fíneálacha</b> suas le EUR 20 milliún nó 4% de lamháltas domhanda gnólachta a fhorchur i leith gnólachtaí

Tá tuilleadh eolais le fáil sna treoracha ar líne maidir leis an athchóiriú ar rialacha an Aontais Eorpaigh maidir le cosaint sonraí — sna teangacha go léir:

[europa.eu/dataprotection](http://europa.eu/dataprotection)

